

# საპრედიტო პრობების კვლევა

IV კვარტალი, 2022



საქართველოს ეროვნული ბანკი  
National Bank of Georgia

## საკრედიტო პირობების კვლევის მიზანი და მეთოდოლოგია

საქართველოს ეროვნული ბანკი 2013 წლიდან ატარებს საკრედიტო პირობების კვლევას. გამოკითხვა ონლაინ პლატფორმის საშუალებით ტარდება, ხოლო რესპოდენტებს საბანკო სექტორის მაღალი რგოლის მენეჯერები წარმოადგენენ. კვლევის მიზანს რესპოდენტებისაგან დაკრედიტების მიმდინარე და სამომავლო ტენდენციებზე ინფორმაციის მიღება წარმოადგენს. კერძოდ, კვლევა მოიცავს კითხვებს ფიზიკური და იურიდიული პირების სესხებზე მოთხოვნისა და დაკრედიტების საპროცენტო და არასაპროცენტო პირობების ცვლილებაზე, ასევე კითხვებს ამ ცვლილების გამომწვევი ფაქტორების შესახებ.

კითხვარი შედგება მხოლოდ ხარისხობრივი შეკითხვებისაგან და არ მოითხოვს რესპოდენტთა მხრიდან რაოდენობრივ შეფასებას. ინფორმაციის რაოდენობრივ ერთეულებში გარდაქმნისათვის გამოყენებულია საბალანსო სტატისტიკის მეთოდოლოგია. ინდექსი მერყეობს -100-დან 100-მდე. 100 აღნიშნავს, რომ გამოკითხულთა 100% აღიქვამს ტენდენციის მნიშვნელოვან გაუმჯობესებას. ინდექსი -100 აღნიშნავს, რომ რესპოდენტთა 100% მნიშვნელოვან გაუარესებას აღიქვამს. 0 აღნიშნავს, რომ ტენდენცია არ შეცვლილა გასულ კვარტალთან შედარებით. ინდექსის დათვლისას რესპოდენტთა პასუხებს თანაბარი წონა აქვთ მინიჭებული, განურჩევლად ბანკის ზომისა.

გამოკითხვის შედეგების ანალიზის საფუძველზე ყოველ კვარტალურად ქვეყნდება ანგარიში. გარდა კვლევის საბოლოო შედეგებისა, აღნიშნული ანგარიში მოიცავს ოფიციალურ სტატისტიკურ ინფორმაციას დაკრედიტების ტენდენციების შესახებ.

ამ ანგარიშში წარმოდგენილი მოლოდინები ასახავს მხოლოდ საკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს.

## საკრედიტო პირობების კვლევა

მოკლე შეჯამება.....	4
ბიზნესის დაკრედიტების პირობები და ტენდენციები.....	5
ფიზიკური პირების დაკრედიტების პირობები და ტენდენციები.....	9

დიაგრამა 1. ბიზნეს სესხების მოთხოვნისა და საკრედიტო პირობების ცვლილება .....	5
დიაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები .....	6
დიაგრამა 3. საპროცენტო განაკვეთები და ნარჩენი ვადიანობა ბიზნეს სესხებზე.....	7
დიაგრამა 4. ბიზნეს სესხებში უმოქმედო და უარყოფილი სასესხო განაცხადების წილი .....	8
დიაგრამა 5. ფიზიკური პირების სესხებზე მოთხოვნისა და საკრედიტო პირობების ცვლილება .....	9
დიაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები .....	10
დიაგრამა 7. სესხის მომსახურებისა (PTI) და უზრუნველყოფის (LTV) კოეფიციენტების განაწილება.....	10
დიაგრამა 8. ფიზიკურ პირებზე გაცემულის სესხების საპროცენტო განაკვეთები და ნარჩენი ვადიანობა.....	11
დიაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში .....	12

## მოკლე შეჯამება


საკრედიტო პირობების კვლევის მიხედვით, 2022 წლის მეოთხე კვარტალში, წინა კვარტალთან შედარებით, ბიზნეს სესხებზე მოთხოვნა მცირედით გაიზარდა. საბანკო სექტორის წარმომადგენლები მომდევნო კვარტალში ბიზნეს სესხებზე მოთხოვნის მნიშვნელოვან ცვლილებას არ ელიან. ამავე კვლევის მიხედვით, მეოთხე კვარტალში დაკრედიტების საპროცენტო პირობები მცირედით გამკაცრდა უცხოური ვალუტით გაცემული სესხებისთვის, ხოლო არასაპროცენტო პირობები მნიშვნელოვნად არ შეცვლია. საპროცენტო პირობების გამკაცრება მნიშვნელოვანწილად აშშ-ს ფედერალური სარეზერვო სისტემის და ევროპის ცენტრალური ბანკის მიერ მონეტარული პოლიტიკის გამკაცრებით და შედეგად, ფინანსური რესურსის ხარჯის ზრდით იყო განპირობებული. საბანკო სექტორის წარმომადგენლები მომდევნო კვარტალში უცხოური ვალუტით გაცემულ სესხებზე დაკრედიტების საპროცენტო პირობების მცირედით გამკაცრებას კვლავ ელიან, ხოლო არასაპროცენტო პირობების მნიშვნელოვანი ცვლილება მოსალოდნელი არაა.

საკრედიტო პირობების კვლევის მიხედვით, 2022 წლის მეოთხე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა მცირედით გაიზარდა. მომდევნო კვარტალში ფიზიკურ პირებზე გაცემულ სესხებზე მოთხოვნის მცირედით ზრდაა მოსალოდნელი. კვლევის მიხედვით, დაკრედიტების არასაპროცენტო პირობები ფიზიკურ პირებზე გაცემული სესხებისთვის მნიშვნელოვნად არ შეცვლილა, ხოლო საპროცენტო პირობები მცირედით გამკაცრდა როგორც ეროვნული, ისე უცხოური ვალუტის სესხებისთვის. საბანკო სექტორის წარმომადგენელთა აზრით, მომდევნო კვარტალში დაკრედიტების საპროცენტო პირობების მცირედი გამკაცრებაა მოსალოდნელი უცხოური ვალუტით გაცემული სესხებისთვის.

## ბიზნესის დაკრედიტების პირობები და ტენდენციები

საკრედიტო პირობების კვლევის მიხედვით, 2022 წლის მეოთხე კვარტალში, წინა კვარტალთან შედარებით, ბიზნეს სესხებზე მოთხოვნა მცირედით გაიზარდა. საბანკო სექტორის წარმომადგენლები 2023 წლის პირველ კვარტალში ბიზნეს სესხებზე მოთხოვნის მნიშვნელოვან ცვლილებას არ ელიან. ეროვნული ბანკის ხელთ არსებულ მონაცემებზე დაყრდნობით, 2022 წლის მეოთხე კვარტალში, წინა კვარტალთან შედარებით, ბიზნეს სესხების პორტფელის ზრდამ 9%<sup>1</sup> შეადგინა. ვალუტების ჭრილში ბიზნეს სესხების ზრდა მნიშვნელოვანწილად კვლავ ეროვნული ვალუტით გაცემულმა სესხებმა განაპირობა. მნიშვნელოვანია აღინიშნოს, რომ ბიზნეს სესხების ზრდა სექტორულ ჭრილში დიდ წილად ვაჭრობის, ტრანსპორტისა და კავშირგაბმულობის და სამთომომპოვებელი სექტორების დაკრედიტებამ განაპირობა. საკრედიტო პირობების კვლევის მიხედვით, 2023 წლის პირველ კვარტალში ბიზნეს სესხებზე მოთხოვნის მნიშვნელოვანი ცვლილება მოსალოდნელი არაა (იხ. დიაგრამა.1).

დიაგრამა 1. ბიზნეს სესხების მოთხოვნისა და საკრედიტო პირობების ცვლილება<sup>2</sup>



წყარო: საკრედიტო პირობების კვლევა, სეზ.


2022 წლის მეოთხე კვარტალში, წინა კვარტალთან შედარებით, დაკრედიტების პირობები ბიზნეს სესხებისთვის მცირედით გამკაცრდა უცხოური ვალუტით გაცემული ბიზნეს სესხებისთვის, რაც ძირითადად ფინანსური რესურსის ხარჯის ზრდამ განაპირობა. დაკრედიტების პირობების მცირედი გამკაცრება ძირითადად ფინანსური რესურსის ხარჯის ზრდით იყო განპირობებული

<sup>1</sup> აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

<sup>2</sup> საკრედიტო პირობებისა და მოთხოვნის ცვლილების ინდექსი მერყეობს -100-დან 100-მდე. 100 აღნიშნავს, რომ რესპოდენტების 100% აღიქვამს ტენდენციის მნიშვნელოვან გამკაცრებას/ზრდას; -100 აღნიშნავს მნიშვნელოვან შერბილებას/შემცირებას; 0 აღნიშნავს, რომ ტენდენცია არ შეცვლილა გასულ კვარტალთან შედარებით. 2023Q1\* ასახავს საბანკო სექტორის წარმომადგენლების მოლოდინებს 2023 წლის პირველ კვარტალზე.

(იხ. დიაგრამა 2). ეროვნული ბანკის ხელთ არსებულ მონაცემებზე დაყრდნობით, არასაპროცენტო პირობები, როგორცაა საკრედიტო ხაზის ლიმიტი მნიშვნელოვნად არ შეცვლილა, ხოლო სესხის ვადიანობა მცირედით შემცირდა ევროთი გაცემული სესხებისთვის (იხ. დიაგრამა 3). საბანკო სექტორის წარმომადგენლები არასაპროცენტო პირობების მნიშვნელოვან ცვლილებას მომდევნო კვარტალშიც არ ელიან. რაც შეეხება საპროცენტო პირობებს, მცირედით გამკაცრება მნიშვნელოვანწილად აშშ-ს ფედერალური სარეზერვო სისტემის და ევროპის ცენტრალური ბანკის მიერ მონეტარული პოლიტიკის გამკაცრებით იყო განპირობებული. კერძოდ, ეროვნული ბანკის ხელთ არსებულ მონაცემებზე დაყრდნობით, დეკემბერში, სექტემბერთან შედარებით, საპროცენტო განაკვეთი თვის შიგნით ეროვნული ვალუტით გაცემულ მსხვილ ბიზნეს სესხებზე მნიშვნელოვნად არ შეცვლილა და 14.4% იყო. რაც შეეხება უცხოური ვალუტით გაცემულ სესხებს, დეკემბერში, სექტემბერთან შედარებით, ევროთი თვის შიგნით გაცემული კორპორატიული სესხებისთვის საპროცენტო განაკვეთი 1.0 პპ-ით, 8.4%-მდე, გაიზარდა, ხოლო დოლარით გაცემული სესხებისთვის 1.9 პპ-ით გაიზარდა და 10.7% შეადგინა. მცირე და საშუალო ბიზნეს სესხებისთვის, საპროცენტო განაკვეთი ეროვნული ვალუტით გაცემული სესხებისთვის, მნიშვნელოვნად არ შეცვლილა და 14.6% იყო, რაც შეეხება უცხოური ვალუტით გაცემული სესხებს, დოლარით გაცემული სესხებისთვის საპროცენტო განაკვეთი მცირედით გაიზარდა და 7.6% შეადგინა, ხოლო ევროთი გაცემული სესხებისთვის საპროცენტო განაკვეთი, 0.7 პპ-ით, 6.7%-მდე გაიზარდა (იხ. დიაგრამა 3). საკრედიტო პირობების კვლევის მიხედვით, გაიზარდა განაკვეთი ფიქსირებული განაკვეთით გაცემული უცხოური ვალუტის სესხებზეც. გამოკითხულთა აზრით, მომდევნო კვარტალში საპროცენტო განაკვეთი უცხოური ვალუტით გაცემული სესხებისთვის შესაძლოა მცირედით გაიზარდოს.

**დიაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები <sup>3</sup>**




წყარო: საკრედიტო პირობების კვლევა

<sup>3</sup> დიაგრამა საკრედიტო პირობების ცვლილებაში თითოეული ფაქტორის წილს ასახავს. დადებითი წილი მიუთითებს ფაქტორის წილს გამკაცრებაში, ხოლო უარყოფითი შერბილებაში.



დიაგრამა 3. საპროცენტო განაკვეთები და ნარჩენი ვადიანობა ბიზნეს სესხებზე <sup>4</sup>




წყარო: სებ.

2022 წლის მეოთხე კვარტალში უმოქმედო სესხების წილი ბიზნეს სესხებში მცირედით შემცირდა. მეოთხე კვარტალში, წინა კვარტალთან შედარებით, უმოქმედო სესხების წილია ჯამურად ბიზნეს სესხებში, 4% შეადგინა. ვალუტების ჭრილში, მნიშვნელოვანია აღინიშნოს, რომ უმოქმედო სესხების წილი ეროვნული ვალუტით გაცემულ ბიზნეს სესხებში მნიშვნელოვნად არ შეცვლილა და 3% იყო. ხოლო აშშ დოლარით და ევროთი გაცემულ სესხებში უმოქმედო სესხების წილი მცირედით შემცირდა 6% და 3% შეადგინა, შესაბამისად (იხ. დიაგრამა 4). საკრედიტო პირობების კვლევის მიხედვით, საბანკო სექტორის წარმომადგენლები მომდევნო კვარტალში უმოქმედო სესხების წილის მნიშვნელოვან ცვლილებას არ მოელიან. გარდა ამისა, მნიშვნელოვანია აღინიშნოს, რომ 2022 წლის მეოთხე კვარტალში, წინა კვარტალთან შედარებით, რესტრუქტურირებული სესხების წილი ბიზნეს სესხებში 0.7 პპ-ით, 18.3%-მდე შემცირდა, რაც ბიზნეს სესხების პორტფელის ხარისხის გაუმჯობესებაზე მიუთითებს.

2022 წლის მეოთხე კვარტალში, წინა კვარტალთან შედარებით, უარყოფილი სასესხო განაცხადების წილი მსხვილ ბიზნეს სესხებში მცირედით შემცირდა, ხოლო უცხოური ვალუტით გაცემულ მცირე და საშუალო ბიზნეს სესხებში მცირედით გაიზარდა. მეოთხე კვარტალში, წინა კვარტალთან შედარებით, უარყოფილი სასესხო განაცხადების წილი მსხვილ ბიზნეს სესხებში მცირედით შემცირდა და საშუალოდ 0.6% შეადგინა. რაც შეეხება მცირე და საშუალო ბიზნეს სესხებს, მეოთხე კვარტალში, წინა კვარტალთან შედარებით, უარყოფილი სასესხო განაცხადების წილი შემცირდა ეროვნული ვალუტით გაცემული სესხებისთვის და საშუალოდ 12.7% შეადგინა, ხოლო უცხოური ვალუტით გაცემული სესხებისთვის მცირედით, 6.7%-მდე, გაიზარდა (იხ. დიაგრამა 4).

<sup>4</sup> საპროცენტო განაკვეთი და ნარჩენი ვადიანობა თვეებში თვის შიგნით გაცემულ მცირე და საშუალო და მსხვილი ბიზნეს სესხების ნაკადებზე.

დიაგრამა 4. ბიზნეს სესხებში უმოქმედო და უარყოფილი სასესხო განაცხადების წილი




წყარო: სებ.



## ფიზიკური პირების დაკრედიტების პრობები და ტენდენციები

საკრედიტო პრობების კვლევის მიხედვით, 2022 წლის მეოთხე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა მცირედით გაიზარდა. მომდევნო კვარტალში ფიზიკურ პირებზე გაცემულ სესხებზე მოთხოვნის მცირედით ზრდაა მოსალოდნელი. კერძოდ, ეროვნული ბანკის ხელთ არსებულ მონაცემებზე დაყრდნობით, მეოთხე კვარტალში, წინა კვარტალთან შედარებით, ფიზიკურ პირებზე გაცემული სესხების გაწლიურებულმა ზრდის ტემპმა<sup>5</sup> 9% შეადგინა (იხ. დიაგრამა 5). ვალუტების ჭრილში ფიზიკურ პირებზე გაცემული სესხების ზრდა მნიშვნელოვანწილად ეროვნული ვალუტით გაცემულმა სესხებმა განაპირობა. მნიშვნელოვანია აღინიშნოს, რომ მეოთხე კვარტალში უცხოური ვალუტით დაკრედიტების გაწლიურებული ზრდის ტემპმა 0.1% შეადგინა. საბანკო სექტორის წარმომადგენლები მომდევნო კვარტალში ფიზიკურ პირებზე გაცემულ სესხებზე მოთხოვნის მცირედით ზრდას კვლავ მოელოან.

დიაგრამა 5. ფიზიკური პირების სესხებზე მოთხოვნისა და საკრედიტო პრობების ცვლილება<sup>6</sup>



წყარო: საკრედიტო პრობების კვლევა, სეპ.


2022 წლის მეოთხე კვარტალში ფიზიკურ პირებზე გაცემული სესხებისთვის დაკრედიტების არასაპროცენტო პრობები მნიშვნელოვნად არ შეცვლილა. ეროვნული ბანკის ხელთ არსებულ მონაცემებზე დაყრდნობით, 2022 წლის მეოთხე კვარტალში, წინა კვარტალთან შედარებით, სესხის ვადიანობა მცირედით შემცირდა ევროთი გაცემული იპოთეკური სესხებისთვის. ხოლო სესხის მომსახურების (PTI) და სესხის უზრუნველყოფის (LTV) კოეფიციენტები

<sup>5</sup> აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

<sup>6</sup> იხ. დიაგრამა 1-ის მეორე შენიშვნა.


მნიშვნელოვნად არ შეცვლილა. მთლიანობაში დაკრედიტების პირობები მნიშვნელოვნად არ შეცვლილა (იხ. დიაგრამა 6-8).

**დიაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები <sup>7</sup>**



წყარო: საკრედიტო პირობების კვლევა

**დიაგრამა 7. სესხის მომსახურების (PTI) და უზრუნველყოფის (LTV) კოეფიციენტების განაწილება**




წყარო: სეზ.

საპროცენტო განაკვეთები ფიზიკურ პირებზე ეროვნული და უცხოური ვალუტით გაცემული სესხებისთვის მცირედით გაიზარდა. კერძოდ, დეკემბერში, სექტემბერთან შედარებით, ეროვნული ვალუტით გაცემული სამომხმარებლო სესხებისთვის საპროცენტო განაკვეთი მნიშვნელოვნად არ შეცვლილა და 18% იყო, ხოლო იპოთეკური სესხებისთვის საპროცენტო განაკვეთი მცირედით, 12.3%-მდე, გაიზარდა. რაც შეეხება უცხოური ვალუტის სესხებს, საპროცენტო განაკვეთი აშშ დოლარით გაცემული იპოთეკური სესხებისთვის 0.2 პპ-ით, 6.5%-

<sup>7</sup> იხ. დიაგრამა 2-ის შენიშვნა.

მდე, გაიზარდა, ხოლო ევროთი გაცემული სესხებისთვის მცირედით გაიზარდა და 5.3% შეადგინა (იხ. დიაგრამა 8). გამოკითხულთა აზრით, მომდევნო კვარტალში ეროვნული და უცხოური ვალუტით გაცემული იპოთეკური და სამომხმარებლო სესხების საპროცენტო პირობების მცირედი გამკაცრებაა მოსალოდნელი.

**დიაგრამა 8. ფიზიკურ პირებზე გაცემული სესხების საპროცენტო განაკვეთი და ნარჩენი ვადიანობა<sup>8</sup>**




წყარო: სებ.

2022 წლის მეოთხე კვარტალში, წინა კვარტალთან შედარებით, უმოქმედო სესხების წილი ფიზიკურ პირებზე გაცემულ სესხებში მნიშვნელოვნად არ შეცვლილა. კერძოდ, ეროვნული ბანკის ხელთ არსებულ მონაცემებზე დაყრდნობით, უმოქმედო სესხების წილი იპოთეკურ და სამომხმარებლო სესხებში მნიშვნელოვნად არ შეცვლილა და 3% და 5% შეადგინა, შესაბამისად. ვალუტების ჭრილში, მნიშვნელოვნად არ შეცვლილა უმოქმედო სესხების წილი უცხოური ვალუტით გაცემულ იპოთეკურ სესხებში. კერძოდ, ევროთი გაცემულ იპოთეკურ სესხებში უმოქმედო სესხების წილმა 3%, ხოლო დოლარით გაცემულ იპოთეკურ სესხებში უმოქმედო სესხების წილმა 4% შეადგინა. რაც შეეხება ეროვნული ვალუტით გაცემულ იპოთეკურ სესხებს, უმოქმედო სესხების წილი მნიშვნელოვნად არ შეცვლილა და 3% შეადგინა (იხ. დიაგრამა 9). საბანკო სექტორის წარმომადგენლები შემდეგკვარტალში უმოქმედო სესხების წილის მცირედით შემცირებას მოელოან. გარდა ამისა, მნიშვნელოვანია აღინიშნოს, რომ 2022 წლის მეოთხე კვარტალში, წინა კვარტალთან შედარებით, რესტრუქტურული სესხების წილი ფიზიკურ პირებზე გაცემულ სესხებში მნიშვნელოვნად არ შეცვლილა და 6.8% შეადგინა. აღნიშნული მაჩვენებელი 2021 წლის მეოთხე კვარტალთან შედარებით 1.7 პპ-ით არის შემცირებული, რაც ფიზიკურ პირებზე გაცემულ სესხების პორტფელის ხარისხის გაუმჯობესებაზე მიუთითებს.

<sup>8</sup> საპროცენტო განაკვეთი და ნარჩენი ვადიანობა თვეებში ფიზიკურ პირებზე თვის შიგნით გაცემულ სესხების ნაკადებზე.

2022 წლის მეოთხე კვარტალში უარყოფილი სასესხო განაცხადების წილი ფიზიკურ პირებზე გაცემულ სესხებში გაიზარდა. კერძოდ, მეოთხე კვარტალში, წინა კვარტალთან შედარებით, უარყოფილი სასესხო განაცხადების წილი სამომხმარებლო სესხებში 50%-მდე გაიზარდა. რაც შეეხება იპოთეკურ სესხებს, ეროვნული ვალუტით გაცემულ სესხებში უარყოფილი სასესხო განაცხადების წილი 27%-მდე გაიზარდა, ხოლო უცხოური ვალუტით გაცემულ იპოთეკურ სესხებში უარყოფილი სასესხო განაცხადების წილი 22%-მდე გაიზარდა (იხ. დიაგრამა 9).

დიაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში



წყარო: სეზ

## პასუხისმგებლობის შეზღუდვის განაცხადი

ანგარიში მომზადდა საქართველოს ეროვნული ბანკის ფინანსური სტაბილურობის დეპარტამენტის ფინანსური სტაბილურობის პოლიტიკის ანალიზის განყოფილების მიერ. ამ ანგარიშში წარმოდგენილი მოლოდინები ასახავს მხოლოდ საკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს. ანგარიშში წარმოდგენილი სტატისტიკა დაკრედიტების მიმდინარე ტენდენციაზე განკუთვნილია მხოლოდ მიმდინარე ანალიტიკური მიზნებისთვის, რადგანაც აქ წარმოდგენილი ზოგიერთი მონაცემი შესაძლოა დაექვემდებაროს პერიოდულ გადახედვას და შესაბამისად, ისინი შეიძლება შეიცავდეს გაზომვის ცდომილებებს. მიუხედავად იმისა, რომ ყველა ზომას მიღებული მონაცემთა დროულად, კორექტულად და სრულყოფილად წარმოსადგენად, საქართველოს ეროვნული ბანკი არ იძლევა გარანტიას მონაცემთა სრულ სიზუსტეზე. მიმოხილვაში გამოქვეყნებული ზოგიერთი მონაცემი შესაძლოა განსხვავდებოდეს ეროვნული ბანკის ვებ-გვერდზე "სტატისტიკის" რუბრიკაში გამოქვეყნებული მონაცემებისგან, რადგანაც გაანგარიშებებში გამოყენებულია საზედამხედველო მონაცემები.

მონაცემები წარმოდგენილია 31/12/2022-ის მდგომარეობით.

დამატებითი კითხვებით შეგიძლიათ მიმართოთ ელენე ღვინიაშვილს

ელ-ფოსტა: [Elene.Gviniashvili@nbg.gov.ge](mailto:Elene.Gviniashvili@nbg.gov.ge) ტელ: (+995) 595 511512



საქართველოს ეროვნული ბანკი  
National Bank of Georgia

საქართველო, თბილისი 0114, სანაპიროს 2

(995 32) 2 406 406

[info@nbg.ge](mailto:info@nbg.ge); [www.NBG.ge](http://www.NBG.ge)